



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ՔԱՆԱՔԵՌ-ՉԵՅԹՈՒՆ
ՎԱՐՉԱԿԱՆ ՇՐՋԱՆԻ ՂԵԿԱՎԱՐ**

Դ" Անհաղթի փ" հ" 11, (+374 11) 518-844, էլ" փոստ՝ qanaqer_zejtun@yerevan.am

**«ԿՈՄՊՍԹՈՐ» ՍՊԸ-Ի
ՏՆՕՐԵՆ ՍԱԹԵՆԻԿ ՄԱՂԱՔՅԱՆԻՆ**
/Շիրակի մարզ, Գյումրի, Ն. Շնորհալու փ., շենք 19, քն. 28/

Ծ Ա Ն ՈՒ Ց ՈՒ Մ
Պայմանագիրը միակողմանի (մասնակի) լուծելու մասին

Երևանի քաղաքապետարանի և «ԿՈՄՊՍԹՈՐ» ՍՊԸ-ի միջև 30.08.2024թ. կնքված ԵՔ-ԷԱՃԱՊՁԲ-24/235 ծածկագրով գնման պայմանագրի 1.1 կետի համաձայն՝ «Մատակարարը պարտավորվում է սույն պայմանագրով սահմանված կարգով, նախատեսված ծավալներով, ժամկետներում և հասցեով Գնորդին մատակարարել սույն պայմանագրի (այսուհետ՝ պայմանագիր) N 1 հավելվածով՝ տեխնիկական բնութագրով նախատեսված և սույն ծածկագրով գնման ընթացակարգի գնահատող հանձնաժողովի՝ հայտերի բացման և գնահատման նիստի արձանագրությամբ՝ նույն ընթացակարգի հրավերով սահմանված պահանջներին համապատասխանող գնահատված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

Ըստ պայմանագրի ապրանքների մատակարարման վերջնաժամկետը սահմանված է եղել պայմանագիրը ուժի մեջ մտնելուց 21-րդ օրացույցային օրը ներառյալ:

Վարչական շրջանի կողմից պայմանագրի մատակարարման ընթացքի հետ կապված արձանագրվել է, որ սահմանված ժամկետում չի մատակարարվել գունավոր A3 տպիչը (գնումների պլանով նախատեսված միջացիկ ծածկագիր՝ ԳՄԱ դասակարգման (CPV) 30232130/8):

Հաշվի առնելով վերոգրյալը՝ Պայմանագրի 2.1.7 կետի համաձայն՝ Գնորդն իրավունք ունի՝ միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

Պայմանագրի 2.1.7.1 Վաճառողի կողմից պայմանագիրը խատելն էական է համարվում, եթե՝ ապրանքի մատակարարման ժամկետները խախտվել են 5 օրից ավելի (Պայմանագրի 2.1.7.1 կետի «բ» ենթակետ):

Համաձայն՝ «Գնումների մասին» ՀՀ օրենքի 6-րդ հոդվածի, 1-ին մասի, 6-րդ կետի «ա» ենթակետի համաձայն՝ խախտել է պայմանագրով նախատեսված կամ

գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

«Քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

«Քաղաքացիական օրենսգրքի 345-րդ հոդվածի 1-ին մասի համաձայն՝ «Պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը»:

«Քաղաքացիական օրենսգրքի 466-րդ հոդվածի 3-րդ մասի համաձայն՝ «Պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված»:

«Քաղաքացիական օրենսգրքի 469 հոդվածի 5-րդ մասի համաձայն՝ «Եթե պայմանագրի փոփոխման կամ լուծման համար հիմք է ծառայել կողմերից մեկի թույլ տված պայմանագրի էական խախտումը, մյուս կողմն իրավունք ունի պահանջել հատուցելու պայմանագրի փոփոխմամբ կամ լուծմամբ պատճառված վնասները»:

«Քաղաքացիական օրենսգրքի 780 հոդվածի 2-րդ մասի համաձայն՝ «Կատարողն իրավունք ունի հրաժարվել ծառայությունների վճարովի մատուցման պայմանագիրը կատարելուց՝ պատվիրատուի վնասները լրիվ հատուցելու պայմանով»:

«Հաշվի առնելով այն հանգամանքը, որ Ձեր կողմից խախտվել են պայմանագրով սահմանված պարտավորությունները, Երևանի քաղաքապետարանը, ի դեմս Քանաքեռ-Զեյթուն վարչական շրջանի ղեկավարի /Երևանի քաղաքապետի 14.11.2018թ. թիվ 3407-Ա որոշում/, ղեկավարվելով վերը նշված իրավական հիմքերով, միակողմանի մասնակի հրաժարվում է կնքված պայմանագրից:

Պայմանագրի մաս կազմող «Տուժանքի մասին համաձայնագրի» համաձայն՝ Կապալառուն պարտավոր է որակավորման ապահովման համար վճարել 225000 ՀՀ դրամ, իսկ պայմանագրի կատարման ապահովման համար՝ 150000 ՀՀ դրամ գումարի չափով տուժանքները, որից հետո համապատասխանաբար համարելով Երևանի քաղաքապետարանի և Ձեր ընկերության միջև կնքված ԵՔ-ԷԱԾԱՊԶԲ-24/235 գնման պայմանագիրը լուծված՝ պատշաճ ծանուցումն ապահովելու նպատակով կիրառելով ՀՀ կառավարության 2017 թվականի մայիսի 4-ի N 526-Ն

որոշմամբ հաստատված «Գնումների գործընթացի կազմակերպման մասին» կարգի
33-րդ կետի 17-րդ ենթակետով սահմանված դրույթները:
ՀԱՐԳԱՆՔՈՎ՝ ԱՐՏԱԿ ՀՈՎԱԿԻՄՅԱՆ

Կատարող՝ Ս. Ղամբարյան
Հեռ. 011518890

